

**II. ATALA**
BIZKAIKO LURRALDE HISTORIKOKO TOKI ADMINISTRAZIOA**Ereñoko Udala****COVID-19ak ekarritako kalte ekonomikoak gutxitzeko Ereñoko herritarrei eta familiei zuzenduriko dirulaguntza.**

Ereñoko Udalak, azaroaren 26ko Ohiko Osoko Bilkuran, honako hau erabaki du:

COVID-19aren pandemiak udalerriko ekoizpen- eta ekonomia-sarean izan duen eragin ekonomikoa. Horren ondorioz, udal honek neurriak hartu behar ditu krisiari aurre egiteko gaitasun txikiena duten eta kalte handiena izan dezaketen pertsonak babesteko.

Horregatik, EreñokoUdalak beharrezkotzat jotzen du udalerriko familietan eta sektore ekonomikoetan sor daitezkeen beharrian ekonomikoei erantzutea, laguntza hauen bidez.

1. artikulua. — Xedea

Deialdi honen xedea da COVID-19ak eragindako langabezia-egoeretan laguntzea pertsona horiek alarma-egoera indarrean sartzeak ekarri dituen zailtasun ekonomikoei aurre egin ahal izan diezaieten (izan enpresan aldi baterako erregulazio espediente bat aplikatu zaielako pertsona horiei [ABEEE], edo pertsona horien behin betiko kaleratze bat eman delako).

2. artikulua. — Onuradunak

Laguntza hauek jaso ahalko dituzte 2020ko martxoaren 14tik abenduaren 31ra bitartean lan-kontratu bat izatetik langabezia-egoeran egotera igaro direnek, langabezian egoteko arrazoia COVID-19a denean, (izan enpresan ABEEE bat aplikatu delako edo behin betiko kaleratze bat eman delako). Horrez gain, baldintza bi hauek bete beharko dituzte:

- Ereñon erroldatuta egotea eta bertan izatea ohiko etxebizitza (2020ko martxoaren 14ean bertan egon behar ziren erroldatuta).
- Eskatzailea langabezia-egoeran edo Aldi Baterako Enplegu Erregulazio Espediente batean (ABEEE) egotea edo egon izana, martxoaren 14tik aurrera, COVID-19aren eraginez.
- Martxoaren 14a baino lehen lanaldi oso edo partzialeko lan-kontratu bat indarrean izatea.
- Hileroko diru-sarrerak, langabezia-saria barne, pertsonako 1.100 euro garbikoa izatea, edo 2.000 eurokoa, bizikidetza-unitateko.
- 2019an, onuradunaren urteko diru-sarrera osoak ez izatea 30.000 euro gordin baino handiagoak edo 60.000 euro baino gehiagokoak, bizikidetza-unitateko.

3. artikulua. — Dirulaguntzaren izaera eta aldia

COVID-19aren eraginez langabezian geratu diren pertsonentzako laguntzak dira, eta helburu dute kalteberatasun-egoeran dauden pertsonen eta familien oinarrizko beharri-zanak betetzen direla bermatzea.

Laguntzen xedea da COVID-19aren eraginez langabezian geratu diren pertsonen laguntzea; ondorioz, laguntzen indarraldiak 2020ko martxotik abendira hartuko ditu barne.

4. artikulua. — Laguntzen zenbatekoa

Xedapen honetan jasotako onurak itzuli behar ez diren dirulaguntzak dira, diruz lagun daitezkeen gertaera eta gastuetarako, ezarritako eran.

Hauek dira laguntzen zenbatekoak:

- Langabezia-saria eta onuradun bakoitzak jasotzen dituen gainerako diru-sarrerak osatuko dira, gehienez ere hilean 300 eurora neto iritsi arte.



- Eskatzaileek seme-alaba adingaberik badute euren kargura, 100 euroko laguntza gehigarria ezarriko da seme-alaba bakoitzeko (gehienez ere hilean 250 euro familia-unitateko).

Gurasoak banatuta badaude, seme-alabekin bizi den gurasoa izango da laguntzaren osagarriak jasotzen dituen, eskaera egin badu. Zaintza partekatua duten familietan, eskatzaileari aurreko paragrafoan aipatutako osagarriaren % 50 ordainduko zaio.

Langabezia-saria osatzeko zenbateko hori, gehienez ere hilean 300 eurokoa izango dena, lanaldi osoa izatetik langabeziara igaro diren eskatzaileei emango zaie. Lanaldia murriztua bazen, zenbatekoa hainbanatu egingo da.

Seme-alabei dagokien osagarria berdin mantenduko da, aurreko laneko lanaldia edonolako izanik ere. Bizikidetzaren unitate bakoitzeko 2 pertsonak jaso ahalko dute laguntza, gehienez ere.

5. artikulua. — *Eskaerak aurkezteko epea*

Deialdia Bizkaiko Aldizkari Ofizialean argitaratu eta hurrengo egunean hasiko da eskaerak aurkezteko epea, eta argitaratzen denetik 30 egun natural igarotzen direnean amaituko da.

6. artikulua. — *Gehieneko eskaera-kopurua*

Bizikidetzaren unitate bakoitzak eskaera bakar bat aurkeztu beharko du. Bizikidetzaren unitate bereko bi pertsonak laguntza eskatu nahi badute, euren datuak eskaera berean jaso beharko dituzte.

7. artikulua. — *Eskaerarekin batera aurkeztu behar den dokumentazioa*

Eskaeraren unean:

- Eskatzaileen NANaren edo AIZren fotokopia.
- Familia-liburua.
- AEEEren justifikazio-dokumentazioa.
- Aldi baterako kontratua 3. artikuluan aipatutako aldi berritzen ez bada, berrituko ez dela jakinarazteko agiria.
- Kaleratzea justifikatzen duen frogagiri bat, kaleratze gutuna kasu.
- Estatuko Enplegu Zerbitzu Publikoko erakundearen ziurtagiria, jasotzen diren prestazioei buruzkoa edo jasotzen ez direla dioena.
- Lanbideren ziurtagiria, jasotzen diren prestazioei buruzkoa edo jasotzen ez direla dioena.
- Bizikidetzaren unitatean laguntza-eskaeran adierazitako hilabeteetan jasotzen diren bestelako diru-sarreraren jakinarazpena.
- Bizikidetzaren unitateko pertsonak aurkeztutako azkeneko PFEZren aitortzea.*
- Eskaera beteta, oinarri arautzaile hauekin batera atxikitako ereduari jarraikiz.
- Zaintza partekatuen kasuan, zaintza hori arautzen duen hitzarmena aurkeztu beharko.

8. artikulua. — *Dirulaguntzaren justifikazioa*

Baldintzetako bat urratzekotan, onuradunak jasotako dirulaguntza itzuli beharko dio Udalari, legean ezarritako itzulera-prozedurari jarraikiz.

9. artikulua. — *Laguntzak metatzea*

Emandako laguntzak bateragarriak dira edozein erakunde publiko edo pribatuk emandakoekin, araudi honetan ezarritako gehieneko zenbatekoetara arte.

Beste edozein erakunde publiko edo pribatuen eskutik jasotako laguntzen berri eman beharko dio onuradunak Udalari, laguntzaren zenbatekoa birdoitze aldera.

**10. artikulua.—Laguntzen publikitatea**

Oinarri arautzaile hauekin bat emandako laguntzak Bizkaiko Aldizkari Ofizialean eta Ereñoko Udalaren egoitza elektronikoa argitaratuko dira.

11. artikulua.—Dirulaguntza emateko prozedura

Dirulaguntza hauek zuzenean eta lehiarik gabeko norgehiagoka-araubidean izango da, Dirulaguntzei buruzko azaroaren 17ko 38/2003 Lege Orokorraren 22. artikuluko 2. zenbakiko c) letran aurreikusitako interes publiko, sozial, ekonomiko eta humanitarioko inguruabar eta arrazoiak betetzen baitira laguntzen deialdia zailtzen dutenak eta laguntzak modu honetan ematea justifikatzen dutenak.

Lehia askeko dirulaguntzak ematea COVID-19aren pandemiak eragindako premia eta alarma-egoerak justifikatzen du, baita aurkeztutako eskaeren arteko lehentasuna zehaztea ahalbidetuko duten balorazio-irizpide objektibo eta homogeenak ezartzeko zailtasun eta bidegabekeriak ere. Herritarren interes orokorra babestu eta jarduera ekonomikoa sustatzen duten pertsonak eta enpresak zaindu behar dira, pandemiak ekarri duen krisi ekonomikoaren eraginak arintzeko eta behin osasun-alarmaren egoera kontrolatzea lortzean Lemoako udalerriaren suspertze ekonomikoa lortzeko, ahalik eta azkarren.

12. artikulua.—Emateko prozedura antolatu, bideratu eta ebazteko organo eskudunak

Eskaerak Ereñoko Udaleko langile publikoek izapidetuko dituzte, eta Alkatetzak ebartziko ditu espresuki.

13. artikulua.—Ebazteko epea

Espedienteak ebazteko gehieneko epea bi hilabetekoa izango da, eskaera-epea amaitzen denetik.

AZKEN XEDAPENA

Dirulaguntza honetara bideratutako zenbatekoa 12.000 eurokoa da, guztira, 2020ko aurrekontuko partiden kargura.

Dirulaguntza jasotzeko baldintzak betetzen dituzten eskaerak banatzeke dagoen aurreikusitako zenbatekoa gainditzen badute, Ereñoko Udalak zenbatekoa handitu ahal izango du, bere aurrekontu-baliabideen arabera.

Ereñon, 2020ko azaroaren 30ean.—Alkatea, Joseba Zarragoikoetxea Cenicacelaia